

OBSERVATIONES  
CIRCA  
*PARTUM PRÆMATURUM OBSTETRICIA  
MANU PARANDUM*

QUAS  
VENIA EXP. FACULT. MED.

PRÆSIDE  
*JOH. AGAP. TÖRNGREN,*  
*M. D. Chir. & Art. Obst. Professore P. & O.*

PRO GRADU MEDICO  
PUBLICÆ CENSURÆ SUBMITTIT  
AUCTOR

*CAROLUS VON HAARTMAN,*  
*Philos. Mag. & Medicinæ Licentiat.*

In Auditorio Medico die XV Martii MDCCXVII.  
h. a. & p. m. c.

---

ABOÆ, TYPIS FRENCKELLIANIS.

ГАМОВА МАЛА

СИДІ

АНДРАКО ВІДОВЛЯЛА МУЖА

І СІДІЛА ПІД ДЕРЕВОМ



Uo nos nasci, sed mille mori medis, is quidem recte posuit, qui partum naturalem, tempore graviditatis absolu-  
to, viribus tantum maternis peractum observavit: partus enim naturalis, tum facilis, tum difficilis, quo foetus matus laboribus naturæ ad partum spontaneis de pelvis cavitate e-  
ductus paritur, sœpissime contingit. Ut vero nihil in rerum natura sine exceptione sit, ita etiam partus re latius considerata diversissima est ratio: partim vires naturæ deficientes vel tumultuarie agentes legibus ipsius obedire non possunt, quo partus irregularis factus vel acceleratur vel retardatur: partim foeti exituro impedimenta varia a situ ejus abnormi vel struc-  
tura organorum vitiola derivanda obveniunt; quo partus naturam ducem sequi nequit. Quamobrem etiam antiquitas, ratione periodorum graviditatis & vitalitatis foetus, partum maturum, qui posteriori dimidio decimi mensis lunaris post factam conceptionem incidit, ab immaturo, quo embryo ante finem septimi mensis excidit, a præmaturo, quo enixus foetus vitalis inter finem septimi & dimidium decimi mensis contin-  
git, & a serotino ultra terminum naturæ legitimum, diem 280 dilato, apte jam distinxerat. Ante alios partus matus, quem

A

semper

semper optamus, commodis suis satis superque eminet; deinceps partus præmaturus utilitate sua sæpe conspicuus attentio-  
nem obstetricantium in se merito vertit; & fini in quem in-  
tendo aptum magis siflit argumentum, quam viribus est æ-  
quum. Quantulumcunque autem fuerit meum meritum de par-  
tu præmatuoro, qui artis ope paratur, illustrando, operam ta-  
men meam in hac re datam benigne dijudicetis Lecturil

Qui prærogativas partus maturi ab ultima memoria co-  
gnoverant, partum præmaturum haud omni utilitate carere  
jidem intellexerant obstetricantes; pervolvendo enim libros ve-  
tustatis rem obstetriciam attingentes facile intelligitur, metho-  
dos eidem varios partum præmaturum, quem minatur natura,  
vel accelerandi, vel etiam remediorum ope ad malum imminens a-  
vertendum parandi, iunctuissæ a). Quisnam vero medentium partum  
præmaturum obmetum periculi vel fœtui vel gravidæ imminen-  
tis ante legitimum graviditatis terminum ablolutum obstetricia  
manu parare primo proposuerit vel ipse paraverit, certo id  
statuere non possumus. Putamus tamen inventorem primum  
non esse quærendum inter obstetricantes canæ vetustatis, qui  
tentamen quodcumque gravidam nondum maturo partu ad scetus  
enixum compellere, quemadmodum piaculare facinus interdixer-  
rant, & monuerant, sedulo esse observandum, ut legitimum  
partus tempus adsit, nec quicquam tentandum antequam fœtus  
ad extrema vaginæ matricis, vis expultricis conatu insurgen-  
te, sit.

a) *Schwangerer Frauen Rosengarten zu nuz und wohlfahrt allem*  
*frauen, kindern, &c. gestellet durch Doct. GUALTH. RUFFIUM, Da-*  
*tum in Franckfarter Herbstmels 1568, pag. 83, 183.*

te, sit conversus b). Cum C. LEAKE c), qui honorem primæ inventionis Chirurgo Gallico GUILLEMEAU tribuit, illum potius in numero discipulorum & sectatorum PARÆI (nisi id illi ipsi, qui in partu difficulti irregulari pedes foetus querendo & versionem ejus instituendo opem ferre primo docuerat, adjudicari debet) fuisse probamus: studiorum pæceptoris æmuli obstetricandi artem a primo quasi satu colere & operam suam in ea feliciore cum successu ponere cœperant; scientiarum auxiliarium his temporibus progerminantium participes artem obstetriciam prospere promovere potuerant, & jam ante ducentos annos ad hæmorrhagias gravidarum ex utero provenientes fistendas utilitatem partus manu obstetricia accelerandi & parandi, quam laude justa majore commendare haud dubitarunt, accusantes vehementer collegas de ignorantia, aut malitia, aut politica quadam agendi ratione, qui mulieribus gravidis in casu necessitatis obstetricante manu adjuvare & partum præmaturum parare neglexerant d). Circa idem fere tempus, vel paulo serius, partum præmaturum manu promovendum ad convulsiones sedandas, quas partu absoluto & utero evacuatio sanatas non semel docuit experientia, aptum judicarant e). Experientia postea in dies crescens manifestarat, partum præmatu.

b) JOHANNIS VESLINGI Epistolæ Medicæ ex schedis posthumis selectæ & editæ a THOM. BARTHOLINO Hafniæ 1664. pag. 168.

c) JOHN LEAKE a lecture introductory to the Theory and Practice of Midwifery. London 1773. pag. 43.

d) FRANCISCI MAURICEAU de Mulierum prægnantium parturientium, & puerarum morbis, Paris. 1681. pag. 106.

e) Den Svenska välfövade Jordgumman af JOH. von HOORN. Stockholm 1697. pag. 93. 94.

maturum vel spontanea discrepantia virium vitalium vel casu fortuito parturientibus exitatum, quarum angusta vel male conformata fuerit pelvis, maturo faciliorem & matri non solum sed etiam fœtui facilitiorem nonnunquam fuisse: f). Unde deinceps consilium, quod non semei dederunt medentes, partum præmaturum artificialem gravidis ciendi, quibus angusta vel irregularis pelvis cavitas exitui licet fœtus præmaturi vitalis sufficiens partum fœtus maturi vivi haud concedit, captum fuerat.

Perlustrando Historias partum præmaturorum manu obstetricia effectorum intelligitur, eos sub variæ indolis conditionibus ob duas potissimum rationes excitatos fuisse, quorum alii ob periculum vel gravidam vel fœtum urgens festinanter parati, alii ob periculum absens, prævium, termino graviditatis legitimo imminentis pertimescendum, convenienter peracti fuerant. De utilitate & necessitate partus præmaturi prioris generis, strueturam pelvis vitiosam proprie non respicientis, ad accidentias periculosas, quæ imminent, avertendas laudati, qui conditiones graviditatis morbosas partus præmaturi accelerationem vel subitaneam peractionem necessario postulantes cognitas sibi habet, nullius dubitat: quo autem antea ad conditiones graviditatis vel parturitionis morbosas variæ indolis, ad haemorrhagias uteri præcipue & convulsiones gravidarum fannandas, abusi aliquando sunt obstetricantes, (MAURICEAU g), ejusque lectatores, von HOORN h), GIFFEARD i), &c.,) non nisi ad

---

f) JOHANNIS GEORGII ROEDERER Elementa Artis obstetriciae, Gottinge 1759, pag. 101 &c.

g) l. c.

h) l. c. & sequ.

i) Cases in Midwifery. London 1734.

ad certas & definitas indicationes, ubi mulieribus ægrotantibus alio modo opem ferre néquimus, utendum: utendum autem jam est hocce auxili genere, oblata vel quavis occasione idonea, non solum ad varios morbos gravidæ sanandos, sed etiam ad mala fœtum urgentia varia præcavenda. Ratione morborum gravidæ accidentium eo toties utendum putamus, quoties id certe & finite indicant Syncopæ frequentes, Alphyxiæ præsentes, Apoplexiæ imminentes, Convulsiones discriminis plenæ, Prolapsus utei, Rupturæ & lœsiones ejusdem graviores, Vomitus cruentus & Hæmorrhagiæ graviores variae indolis periculosæ non nisi partu ab soluto fistendæ, atque critera putredinis fœtus certa periculi plena. Ratione status ægrotantis fœtus eo usi svalent Hæmorrhagiæ & Convulsiones ejus graviores <sup>h)</sup>). Huc etiam ex nostra sententia vitia quævis funiculi umbilicalis, quatenus vel gravidæ vel fœtui periculosa citam artis opem sibi postulant, ferenda sunt. De qua re facile convenient omnes.

De utilitate autem partus præmaturi posterioris generis, artificialis, structuram pelvis vitiosam proprie respicientis, qui proponitur, ad periculum a mala pelvis conformatione idoneo graviditatis tempore prævisum, & termino graviditatis legitimo absoluto vel gravidæ vel fœtui imminens, avertendum, adhuc ambigitur <sup>i)</sup>; ut de jure obstetricantis parturitionem præmatu-

<sup>h)</sup> Lehrbuch der Theoretisch Praktischen Entbindungskunde von ELIAS von SIEBOLD. Leipzig 1804. II. Band pag. 208.

<sup>i)</sup> Partum quoque artificialem præmaturum, pelvis capacitate bona, ad periculum mortis præsumptum fœtui vitali præcavendum, in quod priores fœtus a causa incognita prope terminum maturitatis legitimum incurserant, proposuit C. DENMAN, consilium autem hocce a t:

naturam ciendi, nullo periculo urgente, quæstio fuit, utrum licita an illicita sit res. Utilitas inventi & convenientia in quæstionem a Medicis Londonensium Londini anno 1756 de ea re consultantibus, quantum scimus, vocata primum fuerant, qui utilitatem consilii prævidentes & rectitudinem ejus legitimam inde redundantem agnoscentes partum præmaturum in casu proposito artis ope excitare iuaserant, illumque optimo cum eventu peractum dein observarunt. Exitu tentaminis primi felicissimo edoctus, C. KELLY postea non semel eam optimo cum successu instituit, commemorans inter alias Historiam gravidæ, cui partum præmaturum ter excitaverat, & eo exlequi valuerat, ut fœtus duo septimestres vitales in lucem editi fuerint *m).* Postea vero exitum encheireseos, in auxilium ab aliis vocatae, quæ dubia & anceps habita & hinc a multis neglecta fuit, impropterum nonnunquam fuisse suspicamus. De convenientia consilii cuni lege, pietate & prudentia Medici serius præter alios percontatus est C. COOPER *n)* qui, commemorata Historia Operationis cæsareæ apte & sub conditionibus prognosin lætam facientibus institutæ, sed exitus fatalis, dubius quærerit; an abortus artis ope excitatus operationi cæsareæ eo in casu sit anteponendus, ubi certe intelligitur, nullum aliud refugium post aliquot menses implorandum, instante tempore

---

tentione habere dignum vel commendare eo magis dubitamus, quo minus certa sunt criteria mortis fœtus per timescendæ; quæ a dispositione gravidæ incognita, effectu tantum dignoscenda, sibi sumere potest obstetricans. (Introduction to the Practice of Midwifery by TH. DENMAN. Second Edition, London 1801. Vol. II, pag. 180).

*m)* l. c.

*n)* A. G. RICHTERS Chirurgische Bibliothek, Götting, u. Gotha 17  
I. B. III. St. p. 38.

7

pore partus legitimo, superesse; & nuperis adhuc temporibus  
sententiae medicorum de harum operationum prærogativis, de-  
que commodis & incommodis parturitionis præmaturæ hoc  
scopio propositæ, in diversas & quidem duas potissimum abe-  
unt partes aliis nempe (BAUDELOQUE o), SIEBELD p) &c.) par-  
tum præmaturum artificialem contra vitia angustæ capacitatibus  
pelvis, propositum, perniciosum & fœtui gravidæque valde pe-  
riculorum jūdicantibus; aliis autem (DENMAN q), BARLOW r)  
&c.), eundem certis sub conditionibus ut & gravidæ & fœtui  
salutiferum commendantibus.

Inconvenientiam inventi propositi cum lege, pietate, &  
prudentia medentis prolixè non est inquirendum: opinionibus  
enim & argumentis præcipuis, quæ rem in quæstionem voca-  
tam vel evadent vel disvadent, compensatis & dijudicatis fa-  
cile intelligitur in quantum in quounque casu & individuo ea  
vel ut utilis, sit tentanda vel ut noxia omittenda, pariterque  
vel licita vel illicita censenda: qua ergo de re haud secus ac  
de studiis & conaminibus medentium aliis, quæ in salutem  
hominum curandam & mala eorum præcavenda intenduntur &  
sedulo adhibentur, vel separatim vel ad rationes prælentes &  
accidentes relative judicemus;

Præ-

---

o) L'Art des Accouchemens, à Paris 1807, T. II, pag. 288.

p) l. c., pag. 212.

q) l. c.

r) On the advantages & disadvantages of inducing præmature labour,  
with a view of superseding Embryulcia, the Section of the Sym-  
physis pubis & the Cæsar. Op. of J. BARLOW Blackburn 1800 in  
the Medical and Physical Journal, Vol. V. 1801, pag. 40. seqq.

Præ ceteris causis utilitatem inventi manifestantibus hæc quæ sequuntur, usum ejus medicum evadere videntur potissimum; 1:o Natura ipsa, quam ducem sequi debemus, utilitatem partus præmaturi artificialis sufficienter ostendit: obstetricantium peritisimorum fida experientia novimus, partum præmaturum gravidarum, quibus conformatio pelvis vitiosa est, vel vi naturæ vel casu fortuito excitatum, maturo prosperiore & parturienti & fœtui non semel contigisse; quibusque non contigit vel nullo modo contingere potuit fœtum vivum partu maturo pluries laboriose peracto edere, eæ fœtus interdum vitales, accidente partu præmature, ex votis prospere peperrunt s). Unde colligitur, conformatiōnem pelvis irregularem transitum fœtui maturo præcludentem, præmaturi fœtus volumini certis sub conditionibus sufficere. 2:do Corpusculum fœtus præmaturi maturo minus; ossa cranii nondum confluenta, futurarum loco membranis laxius conjuncta, flexiliora sunt, singulæ diametri capitis fœtus maturi (puta diametrum transversam & longitudinalem) easdem diametros fœtus octimestris latitudine pollicis saltem unius superant; eadem proportione latitudines scapulares & distantiæ trochantericæ fœtus octimestris breviores sunt; & capacitas pelvis normalis peripheriam capitis fœtus octimestris, compressione quam sub partu facile patitur nonnihil diminuendam, latitudine tripollicari ad minimum excedit t). His positis facile intelligitur fœtum præmatutum maturo melius angustam pelvis cavitatem transire posse, ubi quippe dimensiones pelvis & fœtus præmaturi sibi similes sunt & in hunc scopum accommodatae. 3:to Fœtus septi-

s) J. G. RÖEDERER Elementa &c. I. c.

t) E. von SIEBOLD I. c. I. B. p. 128 &c.

septimestris in lucem editus auram ferre potest, vivusque superesse, quo propior maturitatis termino, eo melius viget; nec bonus HIPPOCRATES ejusque sectatores jus vitæ fœtui octimestri denegantes sunt audiendi u); experientia enim casuum quamplurimorum probatur, fœtus septimestres & octimestres vi-  
vos partu artificiali editos viguisse, & cura apta adolevisse v). Respectu itaque vitalitatis fœtus concluditur, partum arti-  
ficialem saltem ab initio octavi mensis lunaris sub spe boni  
exitus institui posse. 4:o Ratione functionum lœfarum, quas  
organa gravidarum, partum præmaturum peragendo, ostendere  
vel post partum manifestare vulgo solent, diligenter conside-  
rata, has, parturiente de cetero sana. periculolas nullo modo  
reperimus: exitus præmaturæ parturitionis vi naturæ peractæ,  
bonus, nec nisi causis aliis vel præsentibus vel accidentibus,  
quibus mulier afficitur, exitialis est pertimescendus: præma-  
turi partus artis ope apte peracti eadem est ratio: incommoda  
majoris momenti proprie nulla ab observatoribus ei imputantur;  
quæque sub hoc aliquando occurrere possunt, sub iisdem con-  
ditionibus, tempore graviditatis legitimo absoluto jure expe-  
ctantur & vulgo observantur: effectus igitur encheireseos ne-  
cessariæ ad partum præmaturum artificialem peragendum, gra-  
vidæ noxii teste experientia non sunt æstimandi x). Ea etiam  
de causa, rem propositam utpote idoneam & tutam sine ulla  
dubitacione adhibendam esse, merito concluditur; & quo lon-  
gius argumentorum eam svadentium continuatur investigatio,  
eo major ejus eminet utilitas.

B

Con-

u) J. G. ROEDERER I. c. p. 100.

v) TH. DENMAN I. c. pag. 178.

x) TH. DENMAN I. c. pag. 176.

Consilio autem, quod de partu artificiali ob angustam pelvis capacitatem instituendo datur, & utile esse probatur, haud pauca objiciuntur argumenta, attentione digna, quæ ex ipsa re & Clarissim. Virorum experientia desumpta esse videantur; ut sunt: 1:o Angustæ pelvis eam sæpe esse rationem ut præmaturi fœtus enixus non nisi cum magnis difficultatibus fiat, vel conaminibus omnium irritis factis, plane non concedatur: inde partum fieri difficilem, laboriosum & infructuosum, encheresi alia anticipite sæpisime absolvendum, quæ instante termino maturitatis fœtus legitimo æque bene institui possit: neque rationem pravitatis pelvis relativam ad periodos maturitatis fœtus, examine sub graviditate instituto, accurate adeo explorari & dijudicari posse ut diagnosis ejus certa inde habeatur. Qvamobrem concilium hac in re datum fini in quem intenditur iusto graviditatis tempore apte accommodari vix posse videtur. 2:do Factæ conceptionis signa quæ ab auditoribus afferruntur, esse dubia, variis morbis communia, eam necessario non in sequentia; inde itaque nihil certi de vitalitate & maturitate fœtus concludendum; quo maturior sit fœtus, præmaturus, eo majorem quidem vitalitatem censendam, sed eo quoque laboriosorem partum expectandum: prætereaque rationem vitalitatis & maturitatis fœtus ob varias causas vel cognitas vel occultas, quæ non semper prævideri & rite aestimari possint y), diversam nec sibi similem in omnibus periodis graviditatis semper habendam: unde non nisi conjectura de vera ratione vitalitatis fœtus præmaturi & tempore parturitionis sub graviditate instituendæ idoneo, ferri posse judicium. Hoc etiam respectu parturitionis instituendæ dubi-

y) Handbuch zur Erkenniss und heilung der Frauenzimmer Krankheiten, von E. von SIEBOLDI. Frankfurt am Main. 1815. II. Bd. p. 252.

dubiam esse diagnosin: 5:to Partus præmaturi artificialis & naturalis diversissimam esse rationem in hoc dilatationem cervicis & diductionem orificii uteri sponte sua mature incipientem lente per aliquot septimanas ante enixum fœtus procedere quo uterus ad præmaturam & spontaneam parturitionem aptior redditur, & dolores partus, enixumque fœtus, nulla alia causa valetudinem parturientis turbante tanto æquius fieri; decursum etiam parturitionis præmature vi naturæ institutæ & peractæ eundem esse ac in partu maturo, successivam dolorum progressionem, continuationem, augumentum, & effectus eadem ratione in utraque partus specie occurrere: septimo autem vel octavo graviditatis mense, quo pravitas pelvis partum præmature parandum, natura invita, vel nihil moliente, svadeat, organorum genitalium aliam esse rationem: collum uteri crassum, tenax, & sub conditionibus ad-eundi difficillimus magis clausum, quo diductiones partium genitalium obstetricia manu parandæ non nisi vi illata contingant, & labores ad partum, quippe non nisi irritamentis mechanicis fortioribus excitari & sustineri possunt, valde debiles & irregulares fiant; unde parturitio artis ope excitata dolorosa fiat & laboriosa, & per spatium temporis justo longius periculose protrahatur; tristissimaque habeatur prognosis.

4:to Labores ad partum fortiores velamentorum disruptione excitatos mortem fœtui qui nempe aquis elapsis graviter premitur, & in partu tardo laborioso male vexatur, inferre posse: quo etiam respectu partus præmaturus consilio institutus infructuosus evadere posse, &c. 2).

Quæ autem jam allata & his similia producuntur argumenta, ad consilium de partu artificiali ob periculum absens quidem sed præsumptum instituendo extenuandum vel improbandum

bandum, firma minime sunt habenda. Non quidem plane est negandum, rationem pelvis abnormis interdum eam esse, ut in parte artis ope instituto multa inde existant mala, quibus difficultas & infrequens fit artificialis parturitio: quod si ita fiat potiores fatalis exitus causae querendae sunt vel in illa vitiola pelvis conditione, quae partum artificiale moliri dissuadet, vel in ipso tractationis methodo fini in quem intenduntur minime accommodata, vel etiam in aliis conditionibus & partui premauro & maturo communibus, quibus parturitio in utroque casu, actu ejus turbato, ardua fit & infrequens. De ea tantummodo pelvis pravitate relativa ad caput foetus prematuri vitalis, qua corpusculum ejus, non nisi cum summo vite periculo pelvem transvehi potest, adversariorum valet objectio: quo enim in casu nulla spes vitam foetus prematuri conservandi superest, encheiresis proposita haud est commendanda; cum dimensiones pelvis dimensionibus foetus prematuri presumitis inferiores sunt, periculum partus vel valde dubium vel noxiun est pertinendum, quod vero idem, quoties patres rationes servant, tutum & salutiferum est censendum; cum e. c. examine pelvis instituto, cognitum est, diametrum ejus conjugatam, a norma aberrantem longitudini trium pollicum transversorum aequalem esse, illam transitui foetus ostimestris, cui diameter transversa capitis raro vel nunquam longitudinem 3. pollicum transversorum attingit, sufficere sine dubitatione concluditur; cum diameter conjugata longitudinem pollicum duorum c. dimidio aequat, transitum quoque foeti septimestri vitali, volumine ejus sub partu compresso & meatu accommodato, concedit, cum autem eadem diameter brevior observetur, nulla est spes exitus boni, quo vita foeti parcatur. Eas etiam saepissime pelvis deformis observata est ratio, qua transitus, qui foeti maturo vivo denegatus fuit, minori postea alterius foetus volumini conceditur, ut est; cum foetus prematurus,

turus, maturo antea in secundo vel tertio cuneationis gradus arcte compresso non nisi mortuo vel artis ope vel contentione naturæ summa edito, vivus paritur: & gradationes ejusmodi cuneationis, e pravitate pelvis derivandæ, plures usque ad gradum proportioni dimensionum justæ proximum, qui est gradus cuneationis fœtus maturi primus, forcipis ope feliciter tollendus, teste experientia haud raro occurunt. Partum quoque præmaturum artificiale vitiosa inclinatione ossum pelvis difficilime dignoscenda, difficultem aliquando & laboriosum reddi posse nullus dubitat, qui effectus abnormis inclinationis pelvis, in qua ceterum capacitas proprie non peccat, parturientem non semel urgentes attente obseruavit: incommoda autem inde derivanda, situm puta uteri & fœtus irregularis, labores ad partum tardos, transitum fœtus difficiliorem &c., graviora sunt exspectanda in partu maturo, quem præmaturo longe difficiliorem obmutatam conditionem capitis fœtus maturi, sub partu jam longe minus ægriusque comprimendi, reddunt; minorisque momenti eo magis in partu præmaturo sunt habenda, quo facilis sub hoc osca capitis fœtus flexiliora angustiæ pelvis accommodari possunt; quoque melius effectus pravæ inclinationis antevertere in potestate obstetricantis est, qui ad omnem eventum paratus, his in utraque partus specie eodem modo prospicere potest. Causarum tarditatis & molestiarum magnam partem, quæ sub partu præmaturo artificiali occurunt vel illum insequuntur, in methodo partum instituendi minime apta, quam obstetricantium plurimi sequi sunt, esse querendam merito ponit; partum enim tardum sæpe & laboriosum exitus infasti sibi ipsis parant, qui diduictione partium genitalium violenta & cita dilaceratione velamentorum fœtus labores ad partum justo citius excitant, quo tertius parturitionis gradus, duobus prioribus omisis, cito nimis inducitur, effectus edens periculosisimos, haud fecus ac in-

ac in partu maturo aquis cito nimis elapsis fit; incommoda autem omnia inde derivanda methodo utilitatæ in dies emendandæ, magis quam rei propositæ, sunt imputanda. Præterea accidentiæ omnes utrique partus speciei communes, quæ decursum partus artificialis valde quidem turbare & prognosin ejus tristissimam efficere possunt, graviores in una quam in altera ejus specie proprie non sunt æstimandæ: quæ enim in partu artificiali a situ fœtus, funiculi umbilicalis & placentæ abnormi, vel etiam a causa quæcumque dynamica accidunt mala æque bene etiam in hoc ac in partu maturo observare & curare potest obstetricans, qui partum artificialem, actum naturæ per omnes ejus periodos, quo in partu naturali peragendo utitur, imitando, convenienter instituit, & decursum ejus ad regulas artis attente, ut decet, observat & curat. Rationes itaque pelvis abnormis varias variae indolis esse, quarum aliæ partum præmaturum artificialem institui svadeant, aliæ illum dissvadeant, jure quodam concluditur. Neque de certa habenda harum rationum diagnosi plane desperetur: dimensiones enim pelvis relativæ ad diversas dimensiones fœtus vitalis, quæ sub periodis graviditatis diversis locum habere creduntur, examine post partum absolutum & pelvimetrorum & digitorum ope instituto, accurate adeo erui possunt ut error in linearum numero, cum eveniat, ex duabus tantum lineis pro qualibet pelvis diametro constet, quosque non nisi culpa æstimatoris superare potest; & si in æstimatione dimensionum pelvis ille commissus sit error, nihil impedit, dimensionibus pelvis & fœtus sibi æqualibus præsumtis, quominus partus præmaturus septimestris vel octimestris convenienter absolvatur; experientia enim habetur, dimensiones fœtus præmaturi dimensionibus pelvis longe majores viribus maternis sub partu in rationes idoneas redigi posse, ita ut laborum vi ratio dimensionum fœtus eadem proportione, qua dimensiones pelvis calculi errore mino-

minores præsumuntur, diminuatur, & hæcce diminutio diametrorum capitis fœtus ad 6 vel 8 lineas in partu mature viribus naturæ nonnunquam reducta est, quamobrem maxima cum probabilitate concluditur, naturam etiam lapsui, qui in capacitate pelvis emetienda non nisi duabus lineis aberret, tuto mederi posse; unde rationes capacitatem pelvis explorandi haec tenus cognitas huic scopo satis sufficere putamus. Æstimatio autem ætatis & vitalitatis fœtus in qualibet periodo graviditatis, ardua sane eo magis censenda est res, quo minus certa sunt signa factæ conceptionis, quo magis dubia sunt phænomena, quæ inceptam vitalitatem indicant; haud plane tamen est desperandum de diagnosi vitalitatis fœtus certa ex signis ejus vel dubiis petenda: quæ enim de facta conceptione & initio graviditatis hunc in finem separatim proferuntur signa, minoris quidem momenti sunt; omnia autem hujus generis critteria probabilia, quæ sub dimidio graviditatis priori enarrata vel visa fuerunt, simul sumta & phænomenis certioribus, quæ graviditatis 6. 7. vel 8. mense a motu embryonis primo a mutationibus totius uteri colli & orificii ejusdem successive factis petuntur, confirmata de fœtus vitalitate, & iusto graviditatis tempore partui artificiali accommodato, certum faciunt medicum, qui huic scopo sufficientis calculi rationes inde deducere intelligit. Diagnosin itaque & prognosin partus præmaturi artificialis, ratione fœtus, omni qua fieri potest certitudine sæpiissime formari posse, vero simillimum videtur. Quod attinet ad argumentum adversariorum de ratione organorum genitalium, orificii & colli uteri, inepta, quæ, natura nihil moliente, ad partum artificiale parandum minime accommodata creditur, ut partus, qui non nisi ægre instituitur, infructuosus existat; id tantum de primiparis, quibus consilium de partu artificiali instituendo propositum raro vel nunquam æquum & utile est censendum, valeat: octavo autem graviditatis.

tatis mense partes mulierum, quæ antea pepererunt genitales extenuatæ adeo sœpissime sunt, & ad partum dispositæ, ut jūsto parturitionis præmaturæ tempore facili negotio, & qua proportione res egit, diducantur: & si uimia rigiditate, spastica contractione vel quacunque alia conditione abnormi seu mecanica seu dynamica parturientium laborat aliqua, hasce ægritudines tempore partus artificialis instituendi occurrentes eadem cura, qua in simili casu sub partu maturo utimur, attemporari & sanari posse censemus; existimantes diuisionem cervicis & orificii uteri caute & convenienter ad regulas artis institutam, quæ medicaminum injectorum, digitorum vel instrumentorum dilatantium ope, vel etiam cultro incisorio in partu maturo adjuvatur, sufficienter semper & tuto peragi posse; quare & mala parturitionis artificialis varia a causa dynamica accidentaliter occurrentia quæ utrique partus speciei communia sunt, eodem modo & exitu sub utroque partu curari & sanari posse putamus. Quæ vero accidentaliter occurunt incommoda ad rem non pertinent, nec contra usum ejus medicum convenienter adaptatum indicant. Neque de vita foetus artificiali partu editi a vexatione laborum ad partum multum est metendum, ut tamen esse objicitur: spes enim partum tardum laboriosumque evitandi, & foetum ab iniuriis uteri aquarum ope sufficienter conservandi in partu artificiali magna est, & eadem ac in partu naturali, ubi illum instituendo velamenta integra ad justum partus tempus relinquuntur, quo ut in hoc fit dolorum vi, vel obstetricia manu convenienter rumpuntur.

Pofioribus itaque argumentis de partu præmaturo artificiali commemoratis, aliisque, quæ de ea re excogitari possunt, consideratis, de utilitate & necessitate ejusdem nulli dubitamus: administratio prima, qua inducitur partus, facilis est, & peractio fatis tutæ; prgnosis puerperii, semper bona, ubi illam

Iam cause aliae praesentes vel accidentes tristem non faciunt, periculum vite fœtus præmaturus in lucem editus sæpiissime elabitur, quod maturo certe imminet, & incommoda puererii omnia, quibus non plane vacat parturiens, majoris momenti nullo modo sunt æstimanda, quam quæ in partu maturo vulgo occurunt. De signis autem in hac causa rectitudinem operationis definite semper indicantibus sollicitius esse cogitandum putamus, existimantes diagnosin non tantum a relativa diametrorum pelvis calculatione ad dimensiones præmaturi fœtus facta, esse petendam, sed etiam a pravis ossium pelvis inclinationibus, a valetudine gravidæ & a circumstantiis ceteris omnibus vel apud gravidam in priori puerperio præsentibus, vel illam & fœtum sub graviditate simul respicientibus, quæ quidem singulæ sæpe nihil certi indicant, sed una consideratæ viam monstrant, quam in quoconque casu & individuo ingredi debet obstetricans, qui oblata occasione conditions varias ad judicium suum experientia instructum aptius æstimare quam ad obstetricias præscriptiones determinare potest; circumstantias præterea omnes diagnosin parturitionis præmaturæ attingentes in antecellum penitus enumerare & sufficienter determinare non possumus. Quamobrem, omissis specialioribus circumstantiis, quæ in singulis individualis occurunt & in casu quoconque præsente accuratius determinantur, conditions varias diagnosin partus præmaturi artificialis & limites utilitatis vel necessitatis ejusdem spectantes summatim tantum ponimus, censentes encheires hancce respectu pravitatis pelvis indicatam esse, ubi post prius puerperium cognitum est, diminutionem capacitatris pelvis esse inter  $\frac{2}{3}$  &  $\frac{5}{6}$  capacitatris normalis, intra quos fines cuneationes fœtus secundi & tertii gradus, quæ non nisi Embryulcia, vel violenta forcipis ope, vel etiam aliquando, viribus maternis in summum intentis, partu valde laborioso & infruatuoso solvuntur, vulgo contingunt;

C

que

quo extremitates ejus inter limites operationis cæsareæ & forcipis obstetriciæ in primo cuneationis gradu, quarum ope fœtus etiam vivus educitur, determinantur, ita ut ad mortem obangustiam vel pravam conformatiōnem pelvis maturo fœtui imminentem avertendum artificialis instituantur partus, qui loco embryulciæ vel forcipis lætalib[us], quibus serius instante partu maturo utiūtur, substituantur; quodque spe exitus boni eo majori sit, quo propiores proportioni justæ sunt abnormis pelvis dimensiones; & versa vice: quo minores vel breviores, & a scala pelvis normali remotiores, eo magis dubia est prognosīs: quæ itaque in priori partu maturo embryulciam vel operationem forcipis letalem pravæ pelvis rationes postulaverant, partum postea artificialēm justo inlequentis graviditatis tempore instituendum indicant: quique limites harum operationum determinatos in omni casu accurate haud semp[er] consequandos, sed ad judicium medentis ob rationes varias occurrentes aliquantulum mutandos esse concedimus, capacitatē pelvis determinata ejus diminutione  $\frac{2}{3}$  majorem transitui fœtus matuti sufficere, ea autem  $\frac{2}{3}$  minorem fœtui præmaturo vitali viam præcludere jure ponimus, ut normam in judicio de ea re ferendo habeamus idoneam, ad quam in singulis casibus accommodetur dijunctio, & cura in utilitatem quæ haberi posit conferenda. Respectu ætatis & vitalitatis fœtus, tempus parturitionis artificialis idoneum inter finem septimi & dimidium noni mensis lunaris ad conditiones pelvis abnormis diversas relative eligendum esse putamus, de quo ad causas omnes sub graviditate occurrentes caute judicet medicus, qui errorem calculi noxiū evitare curat & tempus parturitionis instituendæ rationi pravitatis pelvis maxime idoneum sumere studet, fœtumque præmaturo partu editum eo melius vigore perservatum sibi habet, quo proprius legitimo maturitatis termino partum instituere pravæ pelvis concedit rati.

Utili-

Utilitate rei medica, & limitibus ejus concessis, & quodammodo determinatis, hæc erunt de methodo partum præmatum artificiale parandi optima merito notanda; methodum haec non usitatam, qua ad labores partus exitandos velamenta fœtus mox dirumpere commendant auctores, minime aptam sed noxiā sæpe censemus: velamentis enim ruptis & aquis elapsis, necesitas fœtum ad pedes obstetricia manu vertendi & educendi, quod eo in casu ægre perficitur, sæpius incurrit, ob funiculum umbilicalem prolapsum, debiles partus labores qui etiam in partu præmaturo vi justo minore agere creduntur &c.; opportunitas versionem & educationem fœtus ob situm ejus abnormem sub partu instituendi maxime idonea, aquis elapsis, perditur; & cetera omnia incomoda rupturam membranarum & defluxionem aquarum intempestivam in partu maturo insequentia, quæ hunc laboriosum & periculosum sæpe reddit affruntur, quo actus parturitionis turbatur & difficilis infraetiosusque haud raro efficitur. Fini autem in quem intenditur longe aptiorem aliam centemus methodum, quam mecum per Angliam peregrinante benigne communicavit JAMES HAMILTON Artis Obstetriciæ Professor Cel. ad Academiam Edinburgensem, quaque ipse in hunc scopum optimo cum eventu usus est: tempore scilicet graviditatis justo, quod ad partum præmatum artificiale instituendum decimo die septimi mensis solaris maxime idoneum credidit, labores ad partum, velamentorum fœtus cohærentiam cum collo uteri tollendo, excitavit; quem in finem separatio eorum ubique a superficie colli uteri ad latitudinem pollicarem circa orificium ejus, diti indicis in orificium introduci ope facta, suffecit *aa*), quæ vero

---

*aa*) Quo in casu os tincæ sub conditionibus adeundi difficillimis se præbet, ut octavo graviditatis mense sæpe sit, digitum indicem,

vero caute adeo peracta fuit, ut velamenta integra ad tempus parturitionis legitimum, quo convenienter rumpuntur, manferint. Quo facto labia orificii uteri & pars colli ita præparata proprio nisu contracta fuerunt, hiatus harum partium magis magisque ampliatus, amplificatio incepta, ope velamento rum, quæ aquis plena partum promovent, magis magisque aucta, & partus deinceps præmaturus, quem ita convenienter intulit, vi naturæ eodem modo ac in partu naturali sponte incipiente peractus fuit, & feliciter absolutus. Velamentorum separationem, quam paucæ cruxis guttulæ insequutæ sunt, sine ullis molestiis, gravida operationis saepè inscia, peregit, di ductionem postea orificii & attenuationem segmenti inferioris uteri sensim adeo sensimque & leniter paravit natura, ut dolores ad partum & enixus fœtus lente non nisi diebus subsequentibus post factam separationem velamentorum a superficie uteri contigerint. Sub partu ita instituto situm fœtus accurate explorare ei licuit, qui etiam fœtum versione ad pedes, quam abnormis ejus situs indicabat, justo parturitionis tempore & facili negotio educere potuit, ut in partu naturali velamentis liquore amnii plenis sit; & respectu phenomenorum puerperii, quæ sub & post partum observavit, differentia plane nulla inter phænomena partus naturalis & artificialis hac methodo parati vila fuit. Methodo hacce omni qua decet attentione considerata, & cum ea qua vulgo utimur comparata, illam, quæ posterioribus prærogativis eminent, & incommodis minime stipatur, de meliore nota commendatam facile yolumus, referentes inter-

---

qui tunc orificium uteri non nisi ægre attingat, solutioni fibrarum uterinarum insufficiētem nonnunquam esse remur, censentes en casu obstetricia manu eaute inducta potius quam instrumento dilatante, quod hunc in finem proposuit C. LAUVERJAT, utendum esse.

inter novæ methodi commoda, quod partus artificialis eadem ratione, qua ad partum naturalem & præmaturum & maturum utitur natura, excitatur; in partu artificiali uterinæ fibræ ad methodum novam dīgiti ope solutæ eodem modo lento a velamentis liberantur, quo instante partu naturali proprio naturæ nīl solvuntur; in utroque casu ad eandem naturæ legem & eodem modo contrahuntur, & contractions earum eodem cum effectu fiunt eatenus nēmpe quatenus æquilibrio inter uterinas fibras cervicis & fundi eodem modo in utroque partu sublato, eadem etiam contractionis fundi & diductionis cervicis in utroque infertur ratio, qua fundi & corporis actio rationem segmenti inferioris uteri alteratam superat, quaque orificium repetitis laboribus succeſive diducitur, & pari fere passu in utroque partu ad exceptionem velamentorum foetus discedentium aperitur; diductio orificii uteri artis ope incepta convenienter postea, ope velamentorum, quæ integra ad justum parturitionis tempus conservantur, conficitur, & attenuatio segmenti inferioris uteri facilius procedit, quas, si aliquando ægrius fierent, æque bene ac in partu maturo promovere possumus; subsidentia foetus & ingressus ejus in pelvis cavitatem modo naturali convenienter fiunt; laboribus naturæ partes genitales sufficienter porro diducuntur, ut situs foetus accuratius exploretur, & cuicunque casui abnormi, qui eductionem foetus citam poscit, velamentis integris facilius sanetur; foetus, dum ea geruntur, aquarum ope ab injuriis uteri, tutus ad terminum, quo convenienter vel naturæ vi vel arte rumpuntur velamenta, conservatur, ut maturioribus postea nīxibus vivus eotius edatur; omnis parturitionis decursus naturalis similis per omnia stadia facilius & citius absolvitur; & ea omnia succeſsive & repetitis vicibus peraguntur, quæ æquis impensis viuum vitalium, quibus per intervalla æque ac in partu naturali parcitur, nulla perturbatione laborantium absolvuntur.

Com.

Commoda itaque inde plura, magni momenti, redundare, & methodum hancce novam priori preferendam esse censemus: partus artificialis methodo laudata institutus naturali facilis similis facilius feliciusque absolvitur, methodo autem priori paratus partui tunc laborioso æqualis ægre admodum perficitur, ut eadem sit differentia, quæ intercedit inter partum naturalem facilem & laboriosum, inter partum artificiale methodo nova inductum & illum qui methodo haec tenus usitata instituitur: quamobrem non dubitamus, quin methodum laudatum, qua usus est laudatus HAMILTON, usitatæ longe sit anteponenda. Ut vero commoda novæ methodi melius eluescant, causum partus artificialis sequentem, quem mecum benigne communicavit ille ipse in obſtetricandi arte experientissimus Vir, commemorare juvat:

Quatuordecim retro annis, sic ipse narrabat, ad primiparam nobilem vocatus fuit, ut obſtetriciam opem ei, quæ partu difficile laborabat, ferret; obſtetricia forcipe aliisque auxiliis mitioris indolis incassum tentatis, fœtum ob pravitatem pelvis insignem Embryulciæ ope ægre eduxit. Exploratione pelvis postea instituta diametrum aperturæ superioris conjugatam longitudine  $2\frac{2}{3}$  pollicum transversorum invenit, quam transitui fœtus maturi vivi insufficientem judicavit. Qui experientia partuum præmaturorum quamplurimorum, quas vel casu ortos vel consilio excitatos obſervavit, de utilitate partus præmaturi artificialis ad vitam fœtus servandam convictus, consilium secreto cepit fœtum partu præmaturo artificiali, si conciperet, educendi, qua mente pravitatem pelvis ejus indolis esse judicavit, ut in posterum jam sub graviditate & quidem initio septimi mensis auxilio obſtetricantis ad incommoda, quæ a pravitate pelvis sub partu maturo existunt, præcavenda indigeat. Præterlapsis octo mensibus iterum vocatus eam initio 7; mi mensis gravidam

gravidam comperit, & consilium suum occultans digitum in os uteri inter explorandum induxit, quo membranas foetus a superficie uteri circa orificium ejus ad latitudinem pollicarem gravida infcia, caute separavit; hoc facto parturientem monuit, ut instantे partus dolore illum revocaret; post aliquot dies revocatus caput foetus in aperturam pelvis superiorem convenienter inductum invenit, & partum ita inchoatum laboribus parturientis sat validis peragendum, optimo cum eventu perfecit. Partu præmaturo ita instituto & absoluto tenuis & pusillus editus fuit puer, qui cura apta admota bene viguit & adolevit ad 13 ætatis annum, quo ipsum florentem & validum videre mihi licuit. Eventu felicissimo exhortatus in eandem deinceps mulierem partum præmaturum eadem methodo octies induxit, quo, uno mortuo enato, septem foetus præmaturi vivi in lumen editi fuerunt, quorum tres versione ad pedes, quam abnormis foetus situs fvasit, velamentis aqua plenis feliciter eduxit. Tenera trium horum infantum vita jam primis post partum hebdomadibus extincta fuit, quod vel debilitate congenita vel neglecta eorum cura contigisse credendum est ceteri omnes bene valentes vigebant & florebant. Puerperia illa præmatura parturienti periculosa non fuerunt, nec molestiae eorum consuetæ majoris momenti, quam in partu maturo esse solet, fuerunt.

---